

# Известия

ВКП(б)-лэн Удм. АССР-ысь  
Ярской райкомезлэн  
но РИК-лэн органы

Адрес: пос. Яр, Удм. АССР  
Телефон № 43. Дуныз 5 копейка.  
11-ти арзэ потэ.

## Ю октон-калтонлы умой дасяськоно

Районысь трос колхоз-ёс тулыс ю кизёнэз выль зечлыко но вакчи дыр куспын йылпум'язы. Кизем яровой юос но озым чебер будо.

Нош соин буйгатскыны уг луы на. Кизем юосты умой утялтэм кулэ. Али ужпум сылэ бусыосысь вань жуг-жаг турынэз урон. Вунэтоно ёвёл сое, что зоресь ар'ёсы ю няньлэн умой будонэныз ёш, озы ик быгатэ будыны жуг-жаг турын. А кытын жуг-жаг, отын потэ юэз смышь, быдтись пёртэм макеос. Озы бере вань кизён юэз дун возёно, жуг-жагез быдтоно. Соку колхоз'ёс быгатозы басыны зэмос выль урожай.

Кыдэкин ёвён со дыр, ку колхоз'ёс кутскозы али синмаськоно будысь ю нянез октыны-калтыны. Колхоз'ёс умой удалтэм ю нянез октоно-калтоно луо вакчи дыр куспын, одйг но ыштон'ёстэк. А солы понна ю октон-калтонлы дасяськыны али, именно али ик кутсконо ни. Вань турнан, аран, кутсаськон машинаосты но мукет сыче ю октон-калтон тырлыкэз умой-умой тупат'яно. Соин ёш ик дасьтоно шыныр'ёс, липегул'ёс, ю тьсь куас-тонниос но мукетсэ, чтобы ю октон-калтон ужез но-мыре но жегатыны медаз быгаты.

Такем ответственной ужлы дасяськон кулэез'я угмыны на. Та ужпум борды туж эшшо ичез колхоз'ёс кутскизы. Кутскизы ни Ворца сельсоветысь Чапаевлэн нимыныз нимам, Тат-Ворца, Дизьмино сельсоветысь „Диктатура пролетариата“, Бачумово сельсоветысь Ворошиловлэн нимыныз нимам

но мукет'ёсыз колхоз'ёс.

Туннэ нуналлы данной-ёс'я быдэс районмыя тупатэмыни 31 турнан машина, 42 аран машина, 62 кутсаськон машина, 118 төлыськон, 79 сортировка но 193 литовка. Туж ёжит эшшо дасямын уробоос, мешок'ёс но мукетыз.

Ю октон-калтон азелы дасяськон борды прочэ ёз кутскылэ на Удинской, Байдалинской но Юрской сельсовет'ёсысь колхоз'ёс. Та сельсовет'ёсысь колхоз'ёслэн председателёссы ю октон-калтон кыдэкин на шуыса буйгатскыса уло. Соин соос асысэс ачизэс пёялозы, ю октон-калтон соосты уз виты, ялан матэ но матэ вуэ со.

Ю октон-калтонын бадзым инты бастэ комбайн. Соин ик сое умой тупат'яно, эскероно солэсь важной винтсэ, кажной частьсэ. Нош Яр но Юр МТС—ёсын комбайн'ёсты тупат'ян кулэез'я пуктымтэ на. Яр МТС—ын тупат'ямын ни кык комбайн, а Юр МТС—ын одйг комбайн но, тупат'яса быдэстымтэ на.

Та ужлы дасяськонэз умоятно. Таин кивалтоно луо первичной партийной но комсомольской организациослэн секретар'ёссы, сельсовет'ёслэн председателёссы, колхоз'ёслэн председателёссы но вань общественность.

Ю октон-калтон — ответственной уж. Сое санэ бастыса, та ужлы котькуд колхозлы по-большевистски дасяськоно. Со вамен колхоз'ёс быгатозы ю октон-калтонэз вакчи дыр куспын но ышон'ёс лэстытэк орчытыны.

## Ю октон-калтон машинаосты тупат'яськом

Сельскохозяйственной культуреослэсь удалтонлыкэс но лудо вордонлэсь продуктивностьсэ жутэм понна колхозник'ёслэн ужамзылы ватсаса тырон сярысь партилэн но правительстволэн постановленизы луиз колхоз'ёслэн, колхозник'ёслэн но колхозницаослэн ужан программаенызы.

Бачумово сельсоветысь Ворошиловлэн нимыныз нимам колхозысь котькуд колхозник но колхозница уха та постановлениен юнматэм ватсаса уждун тыронэз од но ик бастыны быгатон вылысь.

Ю кизён дыр'я куазь уродлуыса но, колхоз ю кизёнэз выль зечлыко но вакчи дыр куспын быдэстиз. Кизем юос вож-вож, чебер потызы.

Пар гыронын но, колхозник'ёс но колхозницаос

урод ёз ужало. Колхоз паргыронэз кык-куинь нуналскын быдэстиз. Али колхозник'ёс гырем пар му вылэ кыед пот'яло.

Та ужез нуонэн ёш колхоз али кужмо дасяськон уж нуэ ю октон-калтонлы. Толон-вазынал'ёсын колхоз кык турнан машинаосты тупат'янэз йылпумяз. Туннэ-аскыосын одйг аран машина пырпоч вуоз ни.

Гужем уж'ёсты быдэс'янын трос колхозник'ёс мыло-кыдо ужало. Соос пöлысь тани кöняез ке: Семанкин Василий Николаевич 61 арес'ем пересь колхозник, В. А. Демин, Т. К. Яковлев, М. Е. Яковлева, А. В. Семанкин но мукет'ёсыз. Ваньзы ик таос синмаськоно кадэ усто ужало.

**К. Лихачев,**  
Ворошиловлэн нимыныз нимам колхозлэн председателэз.

## Алексей Максимович Горький

Туннэ, 18 июне великой зуч писательлэн А. М. Горькийлэн кулэм нуналысеныз 5 ар тырме. Великий художник но зырдыт революционер, аслэстыз быдэс синмаськымон улонзэ сөтйз рабочий класслэн нюр'яськонэзлы со.

Писательлэн пинал но егит дырыз—курадзыса улон вал. Секуг вал солэн „университет'ёсыз“, куд'ёсэ со ортчиз кузёослы ялан ужаса. Горький адзылйз царской Россиян калыклэсь творческой кужымзэ эйбонлэсь кышкыт суредзэ, мур шöдылйз капиталистической стройлэсь сьöсьлыкы дöялляськемзэ. И со вань кужымзэ поныса куштöйкыз вуж обществолэн „свинцовой мерзостез“ вылэ („Детство“, „В людях“, „Мои университеты“, „Фома Гордеев“) аслаз произведенийосыныз.

Зуркатысь художественной кужымен но зэмлыкэн Горький возматйз адымлэн эрикэз но шудэз понна кышкасьтэм революционной нюр'яськонлэсь кужымзэ.

Со кылдытйз талантливой повесть „Мать“ — 1905 арын русской революция вакытэ пролетариатлэн нюр'яськемезлы художественной летопись. Со гожтйз „Враги“ но „Мещане“ пьессаосты, сыче умой повестьёсты, кылеярысь, „Трое“ но „Лето“, куд'ёсэз русской литературыын нырысьсэ возматэмын вал рабочийёслэн-революционер'ёслэн, выль улон понна нюр'яськисьёслэн тусбуйзы, берат со кылдытйз роман „Жизнь Клима Самгина“ — русской революционной движенилэсь гениальной художественной историзэ но отын интеллигенцилэсь рользэ. Кызы ке азьлоосаз, озы ик берло ас произведенийосаз Горький—художественной зэмлыкэн мастерез. Со вал социалистической революциялэн буревестникез но кырзасез, быдэс мирьсь трудящойёслэн яратоно писательзы.

Горькийлэн нимыстыз ик бадзым яратонэз вал—советской калык, страна. Аслаз родинаезлэн пöсь патриотэз, Горький гордиться кариськылйз вормон'ёсын, куд'ёсыз



бастэмын СССР-ысь калык'ёсын большевистской партилэн кивалтэм улсаз, шумпотонэн вераськылйз со массаослэн творческой энгуизмзы сярысь, выль советской адым сярысь, кудйз лэстытэ выль, социалистической улон

Аслаз статьяосаз но гожтэт'ёсэз Горький вискарытэк тодэ вайытылйз капиталистической окруженлэн кышкытлык'ёсыз сярысь, выль империалистической война сярысь, капиталистической заправилослэн со дыре дасяськемзы сярысь. М. Горький советской калыкез öтылйз юнматыны асьме Красной Армиез, самоотверженной трудэн кужможатыны СССР-лэсь могуществозэ.

Нимаз ик Горькийлэн за-слугаосыз бадзымезь мировой культура но литература азын. Горькийез ватыку Молотов эш вераз, что Горький „асьме странаысь но быдэс мирьсь

трудящойёслэн син азызы пролетарской социалистической литературалэн подлинной родоачальникез луэ“ шуыса.

Горькийлэн социалистической этечестволэн зырдыт патриотэзлэн, Ленинлэн—Сталинлэн ужез понна нюр'яськисьлэн куараез быдэс дунне вылын жингыртйз, коммунизмлэсь вань пёртэм тушмон'ёсэз разоблачить карыса. Со понна сьöсь мылкыдэн учкылйзы калыклэн тушмон'ёсыз—империализмлэн трокистско-бухаринской агент'ёсыз. Со понна соос злодейски виныз сое.

Уло но кома даур'ёсын улозы великой пролетарской писательлэн уж'ёсыз. Соос быдэс мирьсь трудящойёсты öтё капитализмен, империалистической войналы пумит нюр'яськыны, вань чолочестволэн эрикэз но шудэз понна нюр'яськыны.

**И. Шифман.**

## Районысь пар гыронлэн мынэмез сярысь С В О Д К А

(16 июнылы процентэн вереса)

Сельсовет'ёс	Пар гыремзы
Дизьминской	56
Кычинской	61,3
Байдалинской	58
Н-Чуринской	66
Бачумовской	54,3
Удинской	63
Уканской	48,3
Юрской	58
Садинской	31,5
Ворцинской	47,2
Зюинской	69,4
Никольской	63
Ваньмыз район'я	56

## Заёмлы гожкон дугдытэмын

Куиньметй Пятилеткалэн (нылетй араз поттэм) заёмлы гожкон бадзым азинско-ёсын ортчиз. Районысьтым колхозник'ёс, рабочий-ёс, служащойёс но трудовой интеллигенция выль заёмлы гожкызы огмылкыдын. Куинь-ныль нуналскын районысьтым трудящойёс выль заёмлы гожкызы 636.400 манет тырлы.

Удмуртской АССР—ысь Наркомфинлэн распоряже-

ние-з'я 15-тй июнысен Куиньметй Пятилеткалэн (нылетй араз поттэм) заёмлы гожкон дугдытэмын. Табере котькуд трудящойёслэн задаказы заёмлы гожкем коньдонэз тырон луэ. Жог ке коньдонмес тырим, жоггес быгатом социалистической строительствомес коньдонэн финансировать карыны.

**Г. Сизов,**  
райсберкасслэн заведующоюз.

